

[Pick the date]

სწავლის პერიოდში მიღებული განათლების აღიარების წესი



**EWU
NI**

**სწავლის პერიოდში მიღებული
განათლების აღიარების წესი**

მუხლი 1. რეგულირების სფერო

1. წინამდებარე დოკუმენტი არეგულირებს აღმოსავლეთ-დასავლეთ სასწავლო უნივერსიტეტში (შემდგომში - უნივერსიტეტი) სტუდენტის მიერ შიდა მობილობით სარგებლობის ან სხვა უმაღლესი საგანმანათლებლო დაწესებულებიდან მობილობის წესით ჩარიცხვის მსურველი პირის მიერ გავლილი საგანმანათლებლო პროგრამით გათვალისწინებული სასწავლო კურსების დაძლევის შედეგად მოპოვებული კრედიტების მიძღვება საგანმანათლებლო პროგრამასთან თავსებადობის დადგენის და კრედიტების აღიარების წესებს, ასევე პროგრამის მოდიფიცირების შემთხვევაში მოდიფიცირებულ პროგრამაზე ჩარიცხული სტუდენტების მიერ მოპოვებული კრედიტების პროგრამის ახალ რედაქციასთან თავსებადობის დადგენისა და შესაბამისი სწავლის შედეგების აღიარებისა და შესაბამისი კრედიტების მინიჭების წესებსა და პროცედურებს.

მუხლი 2. კრედიტების აღიარების კომისია

აღიარების კომისია, რეგულაციის საფუძველზე, უნივერსიტეტის შიდა მობილობით სარგებლობის წესით ჩარიცხვის მსურველი პირის მიერ გავლილი საგანმანათლებლო პროგრამით გათვალისწინებული სასწავლო კურსების დაძლევის შედეგად მოპოვებული კრედიტების მიძღვება საგანმანათლებლო პროგრამასთან თავსებადობის დადგენის და კრედიტების აღიარების წესებს, ასევე პროგრამის მოდიფიცირების შემთხვევაში მოდიფიცირებულ პროგრამაზე ჩარიცხული სტუდენტების მიერ მოპოვებული კრედიტების პროგრამის ახალ რედაქციასთან თავსებადობის დადგენისა და შესაბამისი სწავლის შედეგების აღიარებისა და შესაბამისი კრედიტების მინიჭების წესებსა და პროცედურებს.

მუხლი 3. კრედიტების აღიარების შინაარსი

1. უნივერსიტეტში აღიარებას ექვემდებარება უმაღლესი საგანმანათლებლო დაწესებულების იმ საგანმანათლებლო პროგრამის ფარგლებში მოპოვებული კრედიტები, რომელზე ჩარიცხვა და სწავლება განხორციელდა კანონმდებლობით დადგენილი წესით.

2. მიძღვება საგანმანათლებლო პროგრამის სტრუქტურიდან გამომდინარე, აღიარებას ექვემდებარება, აგრეთვე, ისეთი სასწავლო კურსის დაძლევის შედეგად მოპოვებული

კრედიტები, რომელიც გათვალისწინებული არ არის საგანმანათლებლო პროგრამით. წარმოდგენილ შემთხვევაში, მისი აღიარება შესაძლებელია ე.წ. თავისუფალი/არჩევითი სასწავლო კურსის სახით.

3. თავისუფალი/არჩევითი სასწავლო კურსების სტატუსით, შესაძლებელია, აღიარებული იქნეს ისეთი სასწავლო კურსი, რომელიც სტუდენტმა, საგანმანათლებლო პროგრამის სტრუქტურიდან გამომდინარე, შეისწავლა როგორც სავალდებულო სასწავლო კურსი.

4. თუ სტუდენტის მიერ გავლილი სასწავლო კურსის დასახელება და კრედიტების რაოდენობა ემთხვევა მიმღები საგანმანათლებლო პროგრამით გათვალისწინებულ სასწავლო კურსს, კურსის დასახელების, სასწავლო კურსის მიზნების, შინაარსის და სწავლის შედეგების, კრედიტების რაოდენობის მიხედვით, ხორციელდება ასეთი კრედიტების ავტომატური აღიარება.

5. თუ სტუდენტის მიერ შესწავლილი სასწავლო კურსის კრედიტის მოცულობა აღემატება საგანმანათლებლო პროგრამაში წარმოდგენილი ანალოგიური სასწავლო კურსის კრედიტის რაოდენობას, კრედიტის აღიარება ხორციელდება უნივერსიტეტის საგანმანათლებლო პროგრამის ფარგლებში შესაბამისი სასწავლო კურსისათვის დადგენილი კრედიტის მოცულობის შესაბამისად.

6. თუ სტუდენტის მიერ შესწავლილი სასწავლო კურსის კრედიტის მოცულობა ნაკლებია მიმღებ საგანმანათლებლო პროგრამაში წარმოდგენილი შესაბამისი სასწავლო კურსის კრედიტზე, სასწავლო კურსების სილაბუსებით გათვალისწინებული სწავლის შედეგების გათვალისწინებით, კრედიტის აღიარება ხდება იმ საგანმანათლებლო პროგრამაში გათვალისწინებული კრედიტის მოცულობით, რომელზეც განხორციელდა მობილობის წესით სტუდენტის ჩარიცხვა.

7. შინაარსობრივი შესწავლის შედეგად, შესაძლებელია, დადგინდეს სტუდენტის მიერ გავლილი სასწავლო კურსის შესაბამისობა იმ საგანმანათლებლო პროგრამის სასწავლო კურსთან, რომელზეც განხორციელდა სტუდენტის ჩარიცხვა, მიუხედავად სასწავლო კურსების სახელწოდებებში განსხვავებისა. სტუდენტს კრედიტი უღიარდება სწავლის მიზნების და შედეგების საფუძველზე, სტუდენტის მიერ გავლილი სასწავლო კურსის სილაბუსის შინაარსობრივი შესწავლის შედეგად. ამ მიზნით, უნივერსიტეტი

უფლებამოსილია, გამოითხოვოს აღნიშნული დოკუმენტაცია შესაბამისი საგანმანათლებლო დაწესებულებიდან.

8. უმაღლესი საგანმანათლებლო პროგრამის კრედიტები, რომელთა საფუძველზეც განხორციელდა კვალიფიკაციის მინიჭება, არ შეიძლება აღიარებულ იქნეს სხვა საგანმანათლებლო პროგრამის მიზნებისთვის.

9. თუ სტუდენტის მიერ წარმოდგენილი მიღებული შეფასება თავსებადია უნივერსიტეტში მოქმედ შეფასების სისტემასთან, კომისია განათლების აღიარებასთან ერთად ცნობად იღებს სტუდენტის შეფასებებს და დასკვნაში, გარდა აღიარებული კრედიტისა, აღნიშნავს სტუდენტის შეფასებას. თუ მიმღები საგანმანათლებლო პროგრამის სტრუქტურიდან გამომდინარე, კომისია მიზანშეწონილად მიიჩნევს სტუდენტის მიერ გავლილი რამდენიმე სასწავლო კურსის მიმღები საგანმანათლებლო პროგრამით გათვალისწინებული ერთი სასწავლო კურსის სახით აღიარებას, აღიარებული სასწავლო კურსის შეფასება გამოითვლება არითმეტიკული საშუალოს სახით და საჭიროების შემთხვევაში, მრგვალდება მათემატიკური წესით.

მუხლი 4. ევროპული კრედიტების ტრანსფერის სისტემის შემოღებამდე მიღებული შეფასებების აღიარების წესი

1. შეასილუებულია ისეთი სასწავლო კურსების აღიარებაც, რომელიც არ არის გაანგარიშებული ევროპული საკრედიტო სისტემის შესაბამისად. თუ სასწავლო კურსი აღნიშნული სისტემის შემოღებამდეა შემუშავებული, საგნების კრედიტებში გაანგარიშება შესაძლებელია შესაბამისი დოკუმენტაციის საფუძველზე, თუ წარმოდგენილი დოკუმენტაცია მოიცავს ინფორმაციას სტუდენტის სასწავლო დატვირთვის შესახებ. ამ მიზნით, საკონტაქტო საათებში გამოხატული სტუდენტის დატვირთვა მრავლდება 1.5-ზე და იყოფა ერთი კრედიტისთვის გათვლილ საათების რაოდენობაზე (25).

2. თუ სტუდენტს გავლილი აქვს სასწავლო კურსები აღნიშნული შეფასების სისტემის შემოღებამდე და მიღებული აქვს 5 ბალიანი სისტემით შეფასება, მისი 100 ბალიან სისტემაზე გადაყვანა ხორციელდება შემდეგი სისტემის შესაბამისად:

- ✓ **5** - „ფრიადი“ - A - 100 ქულა;
- ✓ **4** - „კარგი“ - B - 80 ქულა;

✓ **3** - „დამაკმაყოფილებელი“ - E - 60 ქულა.

3.თუ სტუდენტს გავლილი აქვს სასწავლო კურსები 100 ბალიანი სისტემის შემოღებამდე და მიღებული აქვს ჩათვლა, იგი უტოლდება 100 ქულას, ხოლო დიფერენცირებული ჩათვლის შემთხვევაში მიღებული შეფასების 100 ბალიან სისტემაზე გადაყვანა ხორციელდება ამ მუხლის მე-2 პუნქტის შესაბამისად.

მუხლი 5. კომისიის დასკვნა

1.სტუდენტის მიერ ათავსებული კრედიტების აღიარების თაობაზე საბაზისო დასკვნა, რომელსაც ხელს აწერს აღიარების კომისიის თავმჯდომარე და ხარისხის უზრუნველყოფისა და სტრატეგიული განვითარების სამსახურის უფროსი.

2.დასკვნაში აღინიშნება სტუდენტის მიერ გავლილი სასწავლო კურსების და საგანმანათლებლო პროგრამის შესაბამისობა მიმღებ საგანმანათლებლო პროგრამასთან, სასწავლო კურსების ჩამონათვალი, რომელთა აღიარება მოხდა მიმღები საგანმანათლებლო პროგრამის მიზნებისთვის, შესაბამისი (აღიარებული) კრედიტების და მოპოვებული შეფასებების მითითებით. სასურველია, დასკვნა ასევე მოიცავდეს ინფორმაციას სტუდენტისათვის ინდივიდუალური გეგმის შეთავაზების შესახებ.

მუხლი 6. პროგრამის მოდიფიცირებამდე მიღებული კრედიტების აღიარების წესი

მიზნებისათვის გამოყენებული იქნას წინამდებარე წესით კრედიტების აღიარების წესი და შესაბამისი პროცედურები.

მუხლი 7. დასკვნითი და გარდამავალი დებულებები

1. წინამდებარე წესს ამტკიცებს უნივერსიტეტის რექტორი ბრძანებით.
2. წინამდებარე წესის გაუქმება, მასში ცვლილებების შეტანა ხორციელდება უნივერსიტეტის რექტორის ბრძანებით.

